

Doorashada dugsiga, ka hor fasalka dugsiga xannaanada

Fasalka dugsiga xannaanadu waa qaab iskool oo gaarkiisa ah oo khasab ah laga billaabo xilli dugsiiyeedka deyrta ee sanadka uu canuggu buuxinayo lix sano. Sidaas darteed waalidka uu canuggiisu lix sano buuxinayo sanad dugsiiyeedka 2019/20 waa in uu iskool doorto.

Fiiro u lahaw in ay tahay in aad diiwaangelisaan waxa aad doorateen xitaa haddii aad dooraneysaan iskoolka canuggiinna asal ahaan lagu meeleyay. Taas waxaa loo yeelayaa si qorsheynta loogu fududeeyo iskoolada. Meeleynta asalka ah ee canuggiinna waxaa la arki karaa marka aad gashaan doorashada iskoolka.

Haddii aad Haninge gudeheeda ka doorataan iskool kale oo ay degmadu leedahay oo aan ahayn halka canugga asal ahaan lagu meeleyay waa maamulaha iskoolka aad dooratay cidda go'aan ka gaareysa in boos la bixin karo iyo in kale. Waxaa dhici *karta* in iskool uusan aqbali karin dhammaan inta soo codsata iyadoo ay ugu wacantahay in uusan boos u hayn.

Xorriyadda doorashada ee degmada Haninge waxay ku koobantahay oo keliya doorashada iskoolka, ee kuma jirto doorashada fasalka, kooxda ama macallimiinta.

Xeerarka meeleynta

Ugu horreynta waxaa la meeleynayaa carruurta, waaliddiintoodu doortaan iskoolka canuggu asal ahaan uu ku meeleysanyahay.

Haddii waalidku uu Haninge gudeheeda ka doorto iskool kale oo ay degmadu leedahay waxaa loo maaleynayaa si waafaqsan nidaamka kala mudnaanta ee soo socda;

1. Haddii canugga ay walaalo u dhigtaan dugsiga la codsaday.
2. U dhawaashada dugsiga la codsaday (laakin ka baxsan aagga uu canuggu ka tirsanyahay). Waxaa taas loola jeedaa waddada dhabta ah ee la maro, ee maaha masaafada tooska ah.

Waaliddiin aan wada degganeyn

Haddii mid ka mid ah waaliddiintu uu deggan yahay ciwnaan kale oo aan ahayn kan canuggu ku qoranyahay waa in labada waalid ay oggolaadaan doorashada si ay u shaqeyso. Oggolaashadaas waxaa la sameynayaa marka jawaabta qaadashada loo soo diro waaliddiinta.

Doorashada dugsiyada xorta ah ama ka baxsan Haninge)

Haddii aad dooraneysaan dugsi xor ah isaga ayaad toos ugu dirsaneysaan codsiga maxaa yeelay wuxuu leeyahay nidaam safeed oo u gooni ah. Waa dugsiga codsigaaga qabtaa kan go'aan ka gaaraya in boos la siinayo canuggaaga iyo in kale.



Haddii boos in aad hesheen la idiinkaga xaqiijiyoo dugsiga xorta ah, aadna taas oggolaataan, waa in aad doorashadiinna iskoolka ku diiwaan gelisaan ”Iskool kale oo gudaha ama dibadda Haninge ku yaalla” una sii gudba doorashada iskoolka ilaa aad ka gaartaan su’aasha ku saabsan iskoolka aad doorateen. Halkaas ayaad ku qoreysaan magaca iskoolka. (Macluumaadka waxaa loogu baahanyahay si loo ilaaliyo waajib ahaanshada iskoolka iyo in lacagta dugsiga loo shubo iskool sax ah.)

Haddii aadan hubina in aad boos ka heleysaan dugsiga xorta ah ee aad codsateen waxaa habboon in aad sameysaan doorasho gacan koowaad ah (iyo xitaa laga yaabeeba doorasho gacan labaad ah) oo aad ku dooraneysaan qaar ka mid ah dugsiyada degmada Haninge. Gadaal dambe ayaad saas oo ay tahay iska celin kartaan booskaas.

Doorashada dugsi degmo oo degmo kale ku yaal

Haddii aad rabtaan in aad boos ka heshaan dugsi degmo oo ka baxsan Haninge, waxaa codsiga si toos ah loogu dirayaa dugsigaas. Waa dugsiga codsigiinna qabtay cidda go’aan ka gaareysa in boos la siinayo canuggiinna iyo in kale.

Haddii boos in aad boos hesheen la idiinkaga xaqiijiyoo dugsigi/degmadi aad codsateen oo aad oggolaataan, waa in aad doorashada iskoolka ku diiwaan gelisaan in aad doorateen ”Iskool kale oo gudaha ama dibadda Haninge ku yaalla” una sii gudba doorashada iskoolka ilaa aad ka gaartaan su’aasha ku saabsan iskoolka aad doorateen. Halkaas ayaad ku qoreysaan magaca iskoolka. (Degmada Haninge waxay macluumaadka ugu baahantahay si ay u ilaaliso waajibnimada iskool dhigashada iyo si ay lacagta iskoolka ugu shubto iskool/degmo sax ah.)

Haddii aadan hubina in aad boos ka heleysaan dugsiga degmada ee aad codsateen waxaa habboon in aad sameysaan doorasho gacan koowaad ah (iyo laga yaabeeba doorasho gacan labaad ah) oo aad ku dooraneysaan qaar ka mid ah dugsiyada degmada Haninge. Gadaal dambe ayaad saas oo ay tahay iska celin kartaan booskaas.

Fiiro u lahaada in degmada Haninge aysan mas’uul ka ahayn isu qaadashada dugsiyada xorta ah ama iskool degmo kale ku yaal!

Afka hooyo

Ardayda af hooyo ahaan ugu hadasha af kale oo aan swiidhish ahayn, kuwaas oo afka hooyo uu yahay mid maalin walba guriga looga hadlo, waxay xaq u leeyihiin in loo dhigo afka hooyo. Afka hooyo waxaad ku codsaneysaa foom-codsi oo gaar ah oo ku jira bogga haninge.se/forskola-och-skola/modersmal/

Iskool isu qaadis

Ardayda codsata iskoollada kale ee aan ahayn iskoolladi asal ahaan lagu meeleeeyay iyaga, fursadahooda ku aaddan in loo oggolaado in iskoollada loo qaado wey xaddidanyihiin. Ardayga xaqa u leh in loo qaado dugsiga asal ahaan lagu meeleeeyay xaq wuu u yeelan karaa in iskoolki uu doorto loo qaado haddii safarka uu ku tegayo iskoolka uu doortay uusan ka dhigneyn kharash dheeraad ah oo degmada ku soo kordha marka la barbar dhigo kharashka uu ku kici lahaa haddii loo qaado dugsigi asal ahaan lagu meeleeeyay.

Qaaditaanka waxaa loola jeedaa safarrada gaadiidka dad weynaha (kaarka SL) iyo gaadiid wax qaado oo si gaar ah gorgortan loola galay (bas iskool, taksi iskool, doon).

Macluumaad dheeraad ah waxaa laga heli karaa barta intarneetka ee degmada:

<https://www.haninge.se/forskola-och-skola/skolskjuts-och-sl-kort/>

Maareynta macluumaadka shakhsiga ah

Marka aad iskool boos ka codsaneysid waxaan macluumaadkaaga maareyneynaa iyadoo ay ulajeeddadeenu tahay in aan meeleynta go'aan ka gaarno. Waxaan macluumaadkaaga maareyneynaa annagoo kaashaneyna qodobka 6-aad ee) xeerka ilaalinta macluumaadka ee Midowga Yurub. (Maareyntu waa lagama maarmaan si loo qabto hawl-dan-guud ama waa qeyb ka mid ah hawlaha fulinta dowladnimada ee mas'uulka macluumaadka shakhsiga ah.

Mas'uulka macluumaadka shakhsiga ah waa guddiga dugsiga hoose dhexe- iyo dugsiyada xannaanada.

Wax dheeraad ah oo ku aaddan sida aan u maareyneyno macluumaadka shakhsiga ah ka akhriso bogga intarneetka ee <https://www.haninge.se/personuppgifter>